



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCXLVI. Erneuerter Vergleich der Städte Salzwedel mit denen von
Wustrow wegen des Küssebruches, vom 31. März 1443.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

benompt vnser der Olden Stad Ingefegel laten hengen an dussen breff, Na godes bord verteynhundert In deme twevndevertigsten Jare, In Sunte Johannis baptisten auende.

Nach dem Originalte des Salzwedeler Archives XXV, 36.

CCCXLVI. Erneuter Vergleich der Städte Salzwedel mit denen von Wustrow wegen des Küßbruches, vom 31. März 1443.

Wy Gherd von Wustrow vnde de Raed beider Stede Soltwedel bekennen vor vns, alle vnse Eruen, börgere, inwonere vnd nakomelinge apenbar tügende vor allesweme, wo woll we vorhen in den Jaren vnser heren Jesu Cristi, alle mē sereff virteinhundert in dem acht vnd twintisten Jare vmme dat Kusebruck in vnde mit vnser gnedigen Fürsten vnde Heren versegelden breffen entscheiden syn vnde we dar na süles de Schedinge an beiden syden mit malen vnde merken getagen vnde gemaket hebben, vmme holthouent, Grassmegerent, fischent vns insampt mit früntlichen Veraininge in vnsern besunderen briffen des verwilcoret vnde verdregen hebben, nach lude derfüluen brieße dar ouer gegeben. De vorgertürden brieße schullen vor allen dinghen by macht wesen vnde vnuorbraken bliuen anegeferte. Nach deme denne dat vnser beider partie holte, watere vnd grasbleke in velen enden vnd steden to hoope scheten, gar lichte de vnser sück daranne vergriepen; hirumme to vermydende, vartokomende vnde to bewarende alle invallende misfalt, tokamende twydracht vnde vnwillen, So is bauen inhold der vorberürden brieße an dem Sondage to mydfalten na der bord Jesu Cristi virteinhundert in dem drey vnd virtigsten Jare noch vorbat meer aldus verainet vnd bespraken, Weret sake dat vnse Vnderlaten, borgere vnd inwonere an des andern holten in allen steden, wor ein jewelck deel de Holte mit brukenden weren heden, edder an vischende, edder an Grassmeiende, by nachte este by daghe, sück vorgrepe, in der handhaftigen daet befunden edder dar mede beruchtiget vnde denne nach rechte des vorwunnen worde, in mate vnde wyse so alle de ersten vnse brieße fulkes klarliken inholden, de scholdige scholde to wedde vnde to bote sunder gnade vor jewelken Eikbohm dree Mark pennige bynnen veertein dagen ane Inlage geuen, vor Eschene höltere eine Mark, vor Ellerne höltere achte schilling, vor vischend achte schilling, vor Grassmegerent achte schilling in benanter tyd to nuge entrichten: dar to scholde de Ouertreder den schaden erlegen nach redelker werderinge des jenen, deme sodane schade gescheen weere vnde eyn jewelck deel von vns schall auer de synen vtrichtinge behelpen, nach synem besten vermögen anegeferte. An alle dese vorgescreuen stücke hebbe wy ergenante partyen beyde vns insampt verwillet, verwilcoret, vereiniget, verdregen vnd eigentlichen beuulbordet, stede vnde fast vnd vnuorbraken to holdende ane alle geseerde vnde argelift. Düssel to Orkunde vnde to groter Sekerheit so hebbe ick obgenante Gherd myn Ingefegel vnde we Radmanne to Soltwedel vnse der nygen Stad Ingefegel vor vns allen an desse Schrift hengen laten eyn vt der andern gesneden vnde isliken parte eyne so auerreiket is. Gescheen vnde verhandelt an dem daghe vnde Jare, alle hirvor bertüret is.

Nach dem Originalte des Salzwedeler Archives IV, 6.